

四庫全書

集部

欽定四庫全書

集部

樵李詩繫卷六

七

詳校官侍講_臣王燕緒

主事_{銜臣}徐以坤覆勘

總校官進士_臣朱鈐

校對官編修_臣繆晉

膳錄監生_臣傅瓌芳

欽定四庫全書

攜李詩繫卷六

平湖沈季友編

元

江翰林漢

漢字朝宗會稽人元季客吳中落魄而返經崇德
濮氏延為上客明洪武初以文學徵授翰林編修
應制賦元日早朝詩稱旨賜緋袍請老歸遂家濮

院

今析桐鄉

與親知遊宴嘗著賜袍有月夜清遊歌以

下十人俱仕於明因元季流寓並列卷末

題破窗風雨圖

君有客兮青雲衣珮玉玦兮光陸離爰處兮爰居左琴
劍兮右圖書客心兮孔塵聲吾伊兮夜達晨輕富貴兮
浮雲保厥美兮天真山房兮寥落秋清兮氣薄天冥冥
兮雲漠漠雨瀟瀟兮風夜作心耿耿兮不寐嗟斯時兮
落魄滴曉露兮寒窗紛遑遑兮求索彼薄夫兮貪婪唯

聲色兮是耽文繡兮膏梁蓀芷兮懷慚秋蘭兮青青我
所思兮古人雪案兮寒檠甘與君兮相親

濮川月夜清遊歌

考見
題咏

有客來扣門邀我清夜遊夜長苦不寐夜遊慰淹留於
時仲冬十五夜小星嘒嘒奎與婁乾坤上下絕塵滓團
圓月色如中秋恰如銀盤出東海照我毛髮寒飈颼此
時清興發與客相綢繆即從西街入便至西河頭行行
渡溪曲石梁跨清流魚鱗萬屋侶城市市廛行盡皆田

疇我行興已盡客指歸路休歸去語妻子此時足清幽
不知百齡內夜夜得此不生平不作不平事遊時不覺
心優游

高太常吳志

吳志一作遜志字士敏號齋庵河南人元末僑居
郡中嘗受業于宣城貢師泰鄱陽周伯琦遂昌鄭
元祐為文深純典雅成一家言以薦為鄮山書院
山長明洪武二年徵修元史入翰林累遷侍講學

士未幾引退又召為試吏部侍郎以事去官謫居
朐山建文間復召為太常少卿壬午靖難兵渡江
吳志遜去入永嘉雁宕山其門人文淵閣侍書蔣
兢亦潛踪於此吳志病卒兢為經紀後事葬芙蓉
峰北或云先壬午而卒與臨難自經者皆非是卒
謚文忠蓋私謚也其詩僅見槁李英華而石倉詩
選所錄皆因之予復採金蘭集中數作并入後
在京師朱太史彝尊授予畱庵集又得其裔孫高

金少卿集卷六
佑鈇授予家傳始獲其全覽之詞旨幽邃音節豪宕亦詩家之表表者也

答徐以文

我本不羈士少年知遠遊結交盡豪俊英風邈難儔浩然志四海龍斷非所求羣雄亂天紀誓將除國讐驅馬向京邑道路阻且修曠望空嘆息失計成淹留時哉苟未會白璧寧暗投恥同五鼎食笑視千金裘素絲尚遊俠枚臯事俳優知己竟不遇行藏誰與謀白日如逝水

冉冉春復秋人生久羈旅豈不懷故丘芳時倏徂謝悲
緒寒颼颼客華易憔悴安能常黑頭放歌吳門市洗耳
長江流雖然不得意常為蒼生憂心隨去雁遠目送孤
雲愁夫子東海裔濟代多良籌既無陳仲舉雖賢罕見
收何如共脫屣速駕赴滄洲

有感

退之少苦貧干祿頗浮躁長安三獻書時宰終不報飢
寒日哀鳴踰壯已瞶眊向非董張徒宦轍誰與導少年

屢摧抑大器天所造苟不涉患難尤足長雄鷲嗟余樗
散材時邁未聞道雖云寡知己敢忘固窮操徇利多乞
墻賈名爭媚竈薄俗諒如斯何事傷懷抱

以少陵文章憎命達句為韻賦五章

違世甘獲落撫已徒憂勤既通金閨籍方思策奇勲何
為竟鍛翮復與沮溺羣念往每懲咎縱學求多聞朝飲
西澗水暮宿東山雲境靜思疲繭心清遺垢氛森然富
藻思載道非空文尚賴特立操千載揚清芬

積雨滿污漬蛭螾聊自藏商飈振修薄篴落依崇岡動
植各生遂伊人獨何傷謫居窮田野與世殊相忘緬懷
昔憂患髮短心日長所願免飢渴孰敢謀稻粱戶庭罕
遊跡琅然誦文章歡來意自得遐想起黃唐從此遂閒
逸投老終徜徉

鱣鯨擊洪濤一躍龍門登驚風落潮汐失勢投岡陵鬐
鬣日已槁窮涸何由興翻為獷獫笑敢望餘波騰畸人
感物理冥思多所徵雲翔避增弋淵潛避筍簞胡為徇

世務轉軻常兢兢勗哉保素履勿貽人所憎

荆璞不善藏輕售與時競雖無泣玉恥棄捐揜光瑩伊
余昧先幾妄往成蹭蹬貪得違素心徇名忘積行通籍
曾幾時三年絕朝請久睽徒侶歡轉失鄉黨敬剥喪非
偶然且委時與命

功名期宦成文章止詞達千載求全能如何罕竒拔夙
抱稽古志纂言窮隱括幽闡天機深精思元化幹豈徒
賁皇猷將以繼往轍于今不自足乃復恥被褐好爵難

久縻世途多慘怛
放意樂丘園
長歌襟抱豁

甲辰九日東塔廣福寺登高同牛士良陳彥博
徐大章周致堯釋元璞王田用杜少陵玉山
高並兩峯寒為韻分得兩字

浮圖鬱嵯峨
遥睇青雲上
跼茲城府中間
歲不一往今
夕復何夕
謝此塵務鞅
侵晨拉寓公
登高叙幽賞
涼風起
天末林霏發
清響檐靈瑣
陰壑鐵馬精
神爽穿彼游
龍窟
容與巨鼇顙
徙倚珠貝闕
捫摘璿璣象
感此懷古

人窮愁一滌蕩嘉會難再期良辰應不兩上人知雅意
大室豁宏敞沽酒采芳菊忘情非放曠羣公中州士遭
世何極罔辟地僑寓此辭氣俱慨慷王師何日下恢復
舊輪廣仍趨清朝列脫却江湖網贊理新治化日月增
輝朗坐令瘡痍洗四海起瞻仰鈞詩寫房壁嶮題筆枯
強他日重追遊於以動遐想

題茅山道士沈秋淵海鹽聽潮里小瀛洲錄呈

畊漁隱人

我聞瀛洲在滄海此說相傳數千載一杯弱水不勝舟
雲霧軒窗眇何在憶我初冠遊江東開帆直指三茅峰
瓊樓玉殿倚天碧丹光飛射金芙蓉只今可望不可即
跬步之間成異域坐令塵土凋朱顏墮落干戈空歎息
沈仙慕事三茅君曾開石壁觀瑤文晨朝環佩空外響
琅玕杳杳雲中間自從遭亂山林燬避世歸來聽潮里
崇構崔嵬迴絕塵雲和草靜環流水瀛海遙連咫尺間
三峰宛似三神山金雞呼日扶桑曉念爾孤鶴應當還

嗟予本是瀛洲客幾年欲歸歸未得
羈棲且待靖風塵
名山歷覽無南北

題江行初雪圖

宿雲黯慘埋巖壑疾風颯颯捎林薄
孤舟擺浪何處來
雪片縱橫向人落一翁蓑笠度危橋
一翁荷擔轉山腰
崖傾石凍竹偃僂不辭辛苦歸途遙
君不見軟裘貂帽
馳快馬遮莫冰花徧原野
人生得意能幾何
相逢俱是窮途者

送孫照庵還吳

昔客吳門日於今四十年故居蕭寺外遺冢石湖邊結
友唯高適論文憶魯連翁今重會面訪舊一悽然

次韻答徐良夫

半生遭亂欲歸休塵事羈縻豈自由逸氣那堪操雁贄
閒身端可被羊裘烟光樹色千山晚楓葉蘆花兩岸秋
別後莫教音問少相期重泛木蘭舟

徐德厚司丞隱居

放棹南湖春水深，昔年遊覽得重尋。
陶公未許辭彭澤，龐老那容隱漢陰。
落絮雨餘沾墨沼，遊絲風暖冒書林。
自憐久客渾無賴，亦欲攜詩與盍簪。

城南小隱為松江郭彥禮賦

步屨幽尋古岼隈，柴扉正對郭南開。
林間野迳穿雲入，溪上春潮待雨來。
過客停杯歌白苧，鄰翁吹笛坐蒼苔。
羨渠高隱空相憶，浪迹多年素髮催。

贈章安甫老人

藍輿迢遞出郊坰野服翩然鶴髮星柱史不辭周問禮
伏生須為漢傳經汀湖水落蒹葭老澤國霜寒橘柚青
自笑隱淪緣底事時危踪跡一浮萍

簡蒲菴長老

論交猶憶自前朝亂後誰憐意氣銷元亮歸來依惠遠
少遊久客過參寥山房黍熟供蔬甲石鼎茶香薦菊苗
名勝想無今古異禪龕容我避塵囂

送程彥明之松江

同是他鄉客俱為避地人興來猶浪迹別去更沾巾山
路常疑雨江花已報春荒烟投遠戍落日扣通津樵笠
歸墟盡漁蓑渡水頻揚帆驚宿鳥鼓柁駭遊鱗俗薄誰
知己時危不計貧飄然滄海上也欲共垂綸

駕湖秋月

雙湖偃長虹月出微瀾靜鼓柁獨沿洄流光蕩空影

秀水飛帆

挂席曉烟收忽與天風遇誰唱秀州謠恐是南塘路

苔川夜宿

山繞荒城水自流
霜空月色滿溪樓
夜長欹枕渾無寐
二十五聲都是愁

題雲林畫

蒼然古木石巖幽
移得江南一段秋
共說倪君知籀法
數竿瀟灑更風流

陶淵明像

玉山頽矣葛巾偏
老僕扶持步不前
莫道先生渾不醒

醉中猶記義熙年

贈相者薛電目

炯炯雙瞳巖下電
秋風江海布帆寬
如今亦有新豐客
旅次相逢莫易看

題盧元佑所藏江山圖

結茅曾住白雲間
遊宦多年客未還
開卷偶然鄉思動
數峯渾似鄂州山

過海鹽二賢祠

思魯橋邊月較明二賢祠下水偏清如何水月無情物
也重當年邑宰名

附考祠在海鹽縣南思魯橋之左祀宋縣令魯宗道
柱上有聯云鰥去古祠留鳥翼名從青史識魚頭後
并入黃郎中主
故名二賢祠

牛尚書諒

諒字士良山東東平州人元末寓居嘉興與鮑恂
張翼諸名士友善學者多從之遊自顏其堂曰尚
友徐一夔為記明興應詔除翰林院典簿同學士

張以寧使安南御製歌詩賜之歷陞禮部尚書嘗
與唐肅有丁未九月聯句詩著述甚多蓋明初才
士也

送陶九成東歸

大江秋漲滿汙汙綠波注送爾東歸人愁懷渺烟樹方
謀耕釣隱已遂滄洲趣圭組尚予縈京華獨淹駐他日
漫相思離舟從此去

甲辰九日東塔登高得玉字

桴舟出東城秋高氣應肅雖無龍山境華林亦不俗雙
池水清白于以濯纓足飛觴坐苔石寒泉薦幽菊迺登
梁朝塔觀海望天目諸賢快先步嗟予苦蹉跎不及終
雅興徒倚闌干曲分題寄遊勝拋軌引羣玉

秋林圖題贈曠伯達

回風蕭蕭吹北林行雲冉冉生夕陰天寒雁去洲渚淨
秋雨龍吟波浪深飄泊共憐今日興畫圖因見古人心
幾時螺子青峯下深結茅堂更遠尋

庚戌五月十三夜夢侍讀張先生枕上成詩
出使艱難萬里同歸期日日待秋風寧知永訣蠻江上
纔得相逢客夢中
岬憤尚看頭似雪
掀髯猶覺氣如虹
起來投淚凭闌久
月落啼蜚繞殯宮

破窗風雨圖

風雨東南接漏天
客窗吹破碧紗烟
十年世事關心曲
一片秋聲到枕前
花落不妨尊有酒
客來未覺坐無氈
老子會覓蘇端隱
藜杖春泥綠水邊

題畫梅

梨花雲底路參差折得春風玉一枝
南雪未消江月曉
欲從何處寄相思

題惠麓秋社圖

澤國霜晴過雁天
翠微秋色淨無烟
歸來好記登臨處
苜蓿盤香第二泉

東吳棹歌二首

太湖茫茫水拍天
吳儂只慣夜行船
竹枝歌罷燈將滅

風雨蕭蕭人未眠

玻璃冷浸洞庭山
雪竹攢青橘柚斑
白髮吳娃笑相語
官船不似釣船閒

陳博士世昌

世昌字彥博號西湖真拙錢塘人力學古文不慕
祿仕至正間由布衣徵授翰林編修奉勅代祀海
上值道梗遂留嘉興作南湖賦傳頌于時授徒養
母張氏據吳屢致不屈明初徵修禮書授太常博

士尋以母老辭後徵至京卒有希言

作希賢誤集

憶別

予本念鄉井風波忽已臨翩翩一長別慷慨增悲吟況
當季秋月千里漫沈陰驚風振西郭繁霜飛北林羈情
逐馬首哀思悽蟲音小人誠有母主命恐難任珪組詎
匪榮喜懼鑄我心當年惜形影此日悲商參不用深追
昔還須重念今

甲辰九日登高東塔分得山字

登彼城東塔殊勝遊龍山褰衣甫二級頓覺小闌闌肩
摩螳蟻集比屋蝸居繁田疇類龜坼種稊於菟斑秦山
翠屏列秀水練帶環微雨從西來寒風襲衣單況遭禽
鳥聒阻我相躋攀上人好儒雅展席花林間清醑泛幽
菊新菜勸加餐緬懷運免靈立倚中朝班遭屯離塞來
僑寓南湖灣初依遂考槃菽水歡慈顏叨陪賢使君盡
此一日間鈎詩寫青竹日落方知還

題張外史詩卷

不識華陽舊隱居高情還憶聽松餘百篇真錄修都徧
滿卷新詩手自書一去丹臺間日月幾回飛珮在空虛
重來化鶴應無恙華表春風動里閭

張學訓翼

翼字翔南先世建德人徙嘉興篤學好古博極羣
書屬文敏捷好為奇澀語至正乙巳薦於鄉與金
綱俱以龍門賦中高等舉南東書院山長不就明
初徵入禮局事竣賜白金歸洪武三年郡庠延訓

諸生其家居近宣公祠庭有鉅梓顏曰梓宇同局
梁石門撰記釋雪廬有詩著有梓宇集不傳

題徐良夫遂幽軒

遂幽軒人古冠裳乃在具區之陰穹窿之陽山中雲深
白日永晚視濁世憐助勦行人摩肩車擊轂耄耋不得
怡康莊紛紜鬼朴徒夸銜相比行列居狎吳姝彈絲歛
笙簧珊瑚木難貂裘子寶釵九雛集鳳凰燒燈接席不
知曙漸盡彷彿雪沃湯是時軒人起視夜山外碧海天

烏翔遂幽之志始獨著彼嗜富貴俱茫茫山幽谷寂衆
鄙厭此足慰意躬徜徉西山朝來致蕪氣東柯茂林延
疎光一塵不起萬籟寂斂輯縹簡清琴張劃冥虛室皦
生白嗒然喪我幾坐忘熙皞似太古坦道無攸歎陽和
渙解凍洄息條風煦日花吹香千厓無人塢墅美峰迴
岫轉飛嵐長溪明遶岬路不斷三十六曲春洋洋流目
緣空澄具區入浩蕩放舟縱所適擊楫歌滄浪洞庭春
撞竊隙穴林屋賔僻苔花蒼左招浮丘右安期振衣矯

首望八荒乃知天壤間遂幽樂無央此樂我可圖脫屣
蠻觸蝸角場擬邀雲卧高敏君握手徑躡穹窿岡岬巾
軒中一長嘯神遊太始朝義皇

鬻石篇同張仲簡賦

二儀磅礴氣鬱積土壤精英乃為石由來萬植有奇趣
平地峰巒皆兀砮淵哉至人心妙與元氣并謂茲質凝
胚渾各有始塊石礫砢欲與造化更相成山中歸來一
茅宇束薪斟泉夜半煮蒸浮為雲潤為雨追工補天天

莫補五色徒鍊神鬼泣巨爐呼風鼎水立元氣淋漓漲
空溼飛丹射瞳光煜熠至人之心澹以寧呼吸萬籟收
風霆殄和導氣窺黃庭枯腸厭飫芒角生隱文秘訣不
可徵深函內藏歸穀城

夾溪樓

寺下幽溪小登樓亦爽神檐虛多受月天近不生塵唐
代風光遠宣城氣象新何時暫棲息瀟洒一吟身

賦得韭溪春水送張別駕

春風吹花澄海門
韭溪雨足浮春雲
碧漪分流入城去
石欄倒壓玻璃紋
使君青驄駐溪側
搥鼓官船送行色
片帆直遡五湖風
水晶宮中夜吹笛

題蔣灝畫翎毛

曾向山中倚玉闌
瓊葩相映碧琅玕
翠禽啼破香雲夢
別有春風釀早寒

西湖竹枝詞

南高北高峰頂齊
錢塘江水隔湖西
不得潮頭到湖口

郎船今夜泊西溪

徐教授一夔

一夔字大章天台人博學善屬文危太樸在元時
嘗言于朝授建寧路教授元末避兵於郡之白茆
里有屋三四楹牖外有一大柞因作獨柞軒記以
見志錢塘潘時雍題一詩曰瀟灑幽軒面水開軒
前老樹倚雲栽閒來倚杖過三匝醉後支頤看百
迴風雨欲隨龍化去雲霄常聽鶴飛來結鄰儼共

榮枯事遮莫人知是散材明吳元年以詔至都時
方置三局一曰律局定律令凡舊官練於憲章者
居之二曰禮局究禮儀凡宿儒通於古制者居之
三曰誥局謨誥命凡俊才優於文辭者居之一夔
特撰誥文賜蟒衣綵幣縉紳欲薦入禁近堅以足
疾辭終杭州學縣教授有始豐稿嘗作賀表有云
光天之下又云天生聖人為世作則太祖覽之大
怒曰監儒乃如是侮我耶以生字光字作則字聲

律犯忌欲坐以不敬禮臣請曰草茅不知忌諱乞宥之并請欽定表式頒示天下從之

送崔孝子南海尋母詩

崔生秦川來面有憂戚姿問生何所為念母無已時母
今在何方南海渺天涯涉川水增波陟嶺路多歧區區
寸草心不敢辭險危晨興霜露零夕息烟火微去去一
萬里視若跬步為人生穹壤間母子故相依胡為若鴻
燕南北相背馳白日行中天寧不照所私願言崇令德

遠大以為期

甲辰九日東塔登高得高字

澤國豁平野何地堪登高
蕩舟且出郭逾彼東城壕
夷猶六里塘悠然見林皋
云是故賢里間世居方袍
乃遵游龍街鞠為茂蓬蒿
振衣歷層塔凭闌瞰秋濤
講師雅知已採菊酤新醪
懽餘發清嘯屏息塵務勞
同遊漱珠玉白首徒自搔

題破窗風雨圖

疎窗久零落，亂帙自縱橫。方與聖賢對，那堪風雨鳴。乾坤含暝色，林壑度秋聲。想子心如石，看書夜到明。

題徐良夫遂幽軒

臨風一讀遂幽篇，鄧尉穹窿在眼前。愧我未安三畝宅，思君欲問五湖船。春明載酒穿花隴，日暮扶藜看稻田。多少長安軒冕貴，枉勞魂夢到林泉。

訪玘法師宿夕佳樓詩

寓縣俄多難，湖山亦被兵。名藍俱泯滅，別構獨崢嶸。翰

墨看前輩登臨愧後生嚴城圍列嶂半鑑出澄泓直篠
侵檐上纖蘿附牖縈倚闌雲鳥度極目鏡天平日夕景
逾好秋高思轉清殘陽樹間沒薄靄水邊橫紫翠霏微
合丹鉛點染成茅津有漁唱麥嶺少人行暝色松間動
寒飈竹嶼鳴疎鐘度餘響遠火露青熒仙梵微微出鑪
煙裊裊輕山盤堆露實石鼎泛雲英洗濯塵凡近歸依
誓願精行當陪竺士聽法破無明

寄題陳彥魚春草堂

青青草色映簾帷
壽母朝朝玩綠滋
有句不緣春夢得
旁人錯道謝家池

丘侍郎民

民字克莊廣陵人家饒于財一時同里諸彥多事
徵逐民獨從師友以學問為事及揚州被兵攜妻
子奔浙西僑居郡中入庠序訓生徒自給至正壬
寅用流寓籍以毛詩就試與選徐大章及雪廬作
序賦詩送其會試明洪武初為松江學校官殷孝

奎有踏雪入汭城訪丘克莊詩顧謹中曰余年十
五游郡庠當時為師者全公希賢丘公克莊楊公
孟載貝公廷琚魯公道源包公叔蘊皆一時名士
由是慕學之士無慮千數松江一時文風之盛不
下鄒魯後民官至禮部侍郎楊基瓜洲逢丘克莊
詩云江水靚如空江花冷未紅憐予猶客裏羨汝
已鄉中白苧青衫雨烏紗短帽風不須搖艇子垂
釣五湖東

周玄初祈晴詩

闕逢歲之半白侵白如烟野人不敢出封戶聽雨眠夢
跨蒼精龍六丁相後先手持五色石直欲補漏天剛風
忽引去天門方洞然忽見一道士青眉長娟娟綠章窈
紫霞稽首上帝前上帝上陳太守辭下述萬姓瘡稔無一尺
苗潦涵累百厯陰霓走白日黑蜮噓長川百怪不自閑
三光何由宣帝怒叱力士磔裂無留連即遣東王公高
掣羲和鞭金雞悅驚覺日出搏桑顛

題柯博士竹

奎章閣下文明日
遍寫琅玕寄遠遊
疎雨夜啼湘女淚
飛鸞朝下羽人丘
月移簾影金闈夢
風度簫聲玉宇秋
幾見畫圖憐往事
碧雲零亂使人愁

和顧阿瑛平湖草堂詩

十二行窩揔是春
平家湖上草堂新
養來白鶴須教舞
浴出花驄不受馴
桂樹漫歌招隱士
鹿門今屬姓龐人
錦囊合貯詩千首
聲價流傳海內民

送友人之杭

又隨南雁度錢塘不道并州是故鄉
江上秋風蓴菜美山中春雨石田荒
杜陵老去寧忘蜀江總歸來不是梁
欲采芙蓉贈君去錦雲零落倚淒涼

孫司業作

作字大雅後以字行更字次知江陰人至正末挈
家避兵於吳盡棄他物惟載敝書兩簾而已張士
誠聞而廩祿之以母病謝去衆為買田築室於淞

後為嘉興府學教授遂寓居南湖明洪武六年用
禮部尚書牛諒薦召修日歷書成當授翰林編修
以老病乞外除太平府教授八年選天下學官內
任作與焉廷對第一授國子助教明年分教中都
又明年召還又明年陞司業作為文醇正謹嚴弗
尚異同或數年不獲一字及遇得意窮日夜筆硯
不輟著書十二篇號東家子宋景濂比之法言通
書詩亦奇僻古雅有滄螺集六卷

謝馬善卿送菜

嘗欣食菜羹自謂肉不過今晨齒頰間屢嚙安敢唾持
梁啗肥鮮野籟誰當課使君可憐人異味諳小大我本
江南樵酸寒羹不和空腸轉藜莧糲粟連糠粃雨韭春
割苗霜菰秋飮座羊蹄釀旨蓄蒲馱雜細坐芋魁掘地
底芟苴洗泥科木魚三百頭竹筍一萬箇朝湘出山厨
夕煮吹烟銚堆盤青黃具入口生澀奈以茲媚盤餐頗
復如君作採之諒有時蒸或躬自佐白鹽點葱橙紅椒

羅臼磨蔗飭質劑調醺醺芳辛破香飯炊屢熟宿酒醒
方餓鶻掌推不受翫裙空欲蛻饋案連十罌飽食深自
荷霜根咀寒齏三嘆論奇貨冰壺奪仙厨適口騰軒簸
四海一東坡拙謫常坎圻參軍半畝菜詩句劇嘲賀我
菴不償一造物知何那抱甕力不任負鋤筋苦墮亦欲
賦歸田自種百畝稔傳君作菜法華瓷檢封裹食勤不
愧天日晏從高卧

夏日與諸友文燕

平生四海交佳友一二數蚤年識黃九

黃叔彛

詰屈盤新

句爛漫多文辭晚復親李杜

李可久杜子才

牆東避世公

王原吉

十載厭城府暇時得相過雖夕款蓬戶太丘兩佳兒元

方吾所慕

陳希文

半升折足鐺白石日夜煮低頭誦經史

未覺霜月苦今春一相逢春色動眉宇從師入天台擬

讀興公賦我行適四方日與樵牧伍敲門三益友驚散

林下鼠一呼未即衣再呼那及屨起陳四席坐李杜黃

及予相對出肝腸遂忘親寡旅上馬來及晨投轄過映

午談諧肘腋腕拜跪肅樽俎歷數座上客坐欠兩公語
兩公今何在江湖渺修阻缺然螭化蝶又似蠻迷駢會
合疑有時交親不在故凡此宿昔契每懷連牀雨誰知
一餉樂竟違通昔晤誓去挽莫留盡日空簷竚

飛魚有序

暨人航海得飛魚于黑水之洋其長二寸頤兩鬚
各廣長寸餘張為兩翅海風發作從波濤飛集船
上如燕雀既止則不能入水意者爰居海鳥亦此

類缺莊周所謂鯢化為鵬不荒誕也為賦一詩

海於天地中物不能比大陰陽浩出沒造物窮荒怪力
足浮三山勢欲吞大塊豈惟日月浴鯨疑鬼神會披經

案山海異族紛瑣碎我時一徘徊足躡二儀隘焉知賈

客輩入海如入關風昏白波駛雨慘黑洋邁批石噴火

發

海船夜投物
波中如火烈

嚙指愁舟壞

舟人見海怪則嚙指
注血于波其怪乃沒

飛魚

集檣拖翅尾錯珍貝初疑燕雀翻復駭蝗螟墮非類感
所希枯腊拾海外三韓雨霧洗百鳥風烟帶參差挿雙

翰歌側張兩旆形模小鮮具意氣鵬鶴類祇慙海若笑
狹小矜此輩我復嗤海若萬彙同一態神靈數巨魚鯢
鯨鰭鰐鮪智屈雲雨能肉大何足膾龍門萬魚躍此翼
吾所快

菽乳

豆腐本漢淮南王安所作惜其名不雅余為改今
名因賦是詩

淮南信佳士思仙築高臺八老變童顏鴻寶枕中開異

方營齋

去聲

味數度真琦瑰作羹傳世人令我憶蓬萊茹

葷厭葱韭此物乃呈才戎菽來南山清漪浣浮埃轉身
一旋磨流膏入盆壘大釜氣浮浮小眼湯洄洄頃待晴
浪翻坐見雪花皚青鹽化液滷絳蠟竄烟煤霍霍磨昆
吾白玉大片裁烹煎適吾口不畏老齒摧蒸豚亦何為
人乳聖所哀萬錢同一飽斯言匪俳詼

還陳檢校山谷詩

蘇子落筆奔海江豫章吐句敵山嶽湯湯濤濤絕厓岸

粵粵木石森劒槊二子低昂久不下藪澤遂包軀與鱗
至今雜沓呼從賓誰敢倔强二子角吾尤愛豫章撫卷
氣先愕磨牙咋舌熊豹面以手捫膺就束縛纖毫剔抉
難具論宛轉周腊為鄭朴烟霏淡泊翳林莽赤白照耀
開城郭沅江鼉肋不登盤青州蟬胥潛注殼洞庭東南
入无野二儀清氣會有壑士如此老固可佳不信後來
無繼作我嘗一誦一回顧如食橄欖行劒閣忽聞凍雨
洗磨厓拍掌大笑工揀摸作詩寄謝君不然請從師道

舊所學

約潘元飛遊惠山

錫谷名泉誇第二江水猶來勝山水中冷天畔隔蒼烟
九龍眼中差可喜我夢臨此鑒眉鬚裹茗烹煎攜綠珠
老僧毳毼妙而臞忽來說禪坐跏趺三生豈是舊緣法
明日買船當下牒共君烏紗一裹頭野岼春洲看晴鴨
歸帶惠泉邀諸友茗飲

江南浙山俱可人澤比惠泉常入夢昔年濯足望具區

船頭百折頻遮送高情數與此山期舟不衝風雨尼之
天公忌人如忌疾十年欲去事長違昨宵拄杖落林谷
畫舫載泉羸百斛為倒龍堂明月珠共試蛇坑小蒼玉
故人談頗翻如河舌本噉枯知奈何此泉此茗不易得
緩飲緩煎還可過人間酒肉誰厭臭我味此泉渠閉口
身如瓠壺過渴羗慎勿與方傳不朽

送人往宣城

送客宣城郡吟詩憶土風雪膚銀杏白火頰木瓜紅楚

殿荒山裏澄江出樹中君親三載仕我友一樽同

沙上

百年神物會出此遠人邨浪淘江翻屋沙崩樹噬根芋
魁鋤地底鹿角長溪痕開闢當天意瀾茫恨土吞

大堤曲

君騎白馬來我騎青驄去背面不相識兩馬驕嘶住

大年雨中見寄二絕因次韻

十載青春伴旅遊無田安敢羨歸休夢回讀罷淒然句

正似彭城風雨秋

筆端江浪貯雲烟
愛汝新詩字字傳
為報客懷無一事
日憑花鳥喚春眠

元夕寄先輩

碧沙官渡柳搖新
燈火蕭條不負春
誰道黃昏先閉戶
天街雪色最宜人

題雲林溪亭山色二首

過雨山如晷
畫明溪聲直到白雲亭
雲遮不斷溪聲去

流出平蕪兩岸青

白髮雲林老畫師一生辛苦竟誰知何須更上峰頭望
滿目清秋滿目詩

丹厓居士唐肅

肅字處敬自號丹厓居士山陰人至正末授黃岡
書院山長轉嘉興學正遂家焉高啟有送唐博士
移居檣李詩云楊柳發初齊春陰廢院西故人乘
醉別新鳥傍愁啼舟重全家去詩多一路題杏花

開北郭誰復共招攜其自作輓郭秉心詩亦有吾
昔居秀州友有徐一夔句明初以薦擢為編修罷
歸卒肅文章稱大家時有唐劉毛蔡之目行尤修
飭縉紳咸推重之有丹厓集

和牛士良

咽咽銅虬水瀏瀏青瑣風掖斜觀斗轉簾疎望月空出
門步清影循階行露叢睠此光霽景感予微渺躬觀國
豈非願懷親方蔚忡

題張孟兼所注西臺慟哭記後

宮中六更初罷鼓
藍田璽玉沈崖浦
廬陵忠肝一斗血
去作燕然山下土
桐江水落秋日頽
有客歌上巖光臺
石根敲斷鐵如意
萬里北魂招不來
西風又涸灤河水
故老寥寥知有幾
珍重睢陽季葉孫
箋簡能裨兩朝史
智伯頭飲器歌

飲伯頭些伯鬼伯死寧知
頭作器玉盤酒滴猩猩紅
血波倒浸泥丸宮
雷吼無聲雷晴墜伏犀骨
斷漆花膩老

龍一吸銀海瀝飲闌擲杯怒髮立英魂夜半不敢泣君
不見君漆頭臣漆身恨君藍臺爭諫臣

秋江曲

妾家住銀塘石楠秋葉香憶君蕩槳去江水與愁長西
風夜泣蒹花露鴨背岸低人不度冷荷如鍼刺烟素駕
鴛飛來鸕鷀去

過漂母墓

昨日下午淮河船河流滾滾不見天逆風一日行十里黃

牛黑驢牽不前今日過韓信城城邊蕪荒田不耕人傳
韓信此發跡至今城留韓信名當時乞食向漂母母哀
王孫心獨苦一朝富貴報千金不記淮陰少年侮我來
不弔韓將軍悲歌獨弔漂母墳英雄貧賤少知己不在
男兒在女子

劉松年山居圖

曾逐大茅君峰頭卧古雲鳥青呼作使鶴白養成羣容
較丹砂法童窺玉券文近來烟火斷花氣作爐薰

賦海東青應制

雪翮能追萬里風
坐令狐兔草間空
詞臣不敢忘規諫
却憶當時魏鄭公

題陶穀郵亭

紫鳳檀槽綠髮倡
玉堂見慣可尋常
作歌未必腸能斷
明日聽歌更斷腸

題柯敬仲竹石

縕真齋裏揮毫日
多得青城太史題
今日南州把遺墨

石簟秋冷蟪蛄啼

沈知縣鉉

鉉字鼎臣錢塘人元末道梗與同邑陳世昌俱留
於禾鉉博學邃於春秋洪武初知石首縣高啟沈
徵士鉉野亭詩云清時猶在野獨卧見高情移艇
閒烟唱釣簾看雨耕江晴雙鶴下樹晚一牛鳴回
首徒相憶柴車不出城楊維禎沈處士林亭詩云
楊花作絮撩行路荷葉流錢蓋野池黃鳥一聲啼

晝寂不知春去幾多時鉉二作及陳王五詩皆咏
禾中名蹟並見柳志

真如雪霽

祇園雨瑤花罕堵削寒玉崢嶸簪層霄皓彩炫晴旭變
幻境非真忻然寄遥矚

秦山遠翠

考見
題咏

出門無寸矚凝望立溪灣修眉在天際料得是秦山

陳銘

銘無考

春波漁市

考見
題咏

瀕溪有居廛並岼舟競艤風含水氣腥曉作漁人市魚

美何處無無錢買金鯉

西驛歸帆

考見
題咏

帆收麗橋邊暝色已帶浦臨波據胡牀且聽官船鼓

三塔晨鐘

浮圖枕龍湫飛觀出雲杪鏗鉤吼華鯨聲震禪林曉淵

靈斂陰氣扶桑日將杲

雙溪夕照

溪分燕尾流中洲吐龍舌落日飈彩虹飛梁影橫截憑
闌且遲留東望待出月

王峪

峪無考

東墅歸鴉

別墅荒涼落木秋寒鴉投暝客歸舟斜陽流水孤邨路

不是離人不解愁

高尚志

詩見金蘭集朱檢討云尚志與志之弟

題徐良夫遂幽軒

閑跡銷聲與世疎
巖居蕭散屬潛夫
竹間展席移茶具
花底清吟擊酒壺
喜向山林便野服
嬾因軒冕溷泥塗
令人長憶鴟夷子
欲趁高秋泛五湖

至正庚辛唱和詩

有序

人情莫大乎歡戚而情之歡戚則又係乎時之治
亂何者當其亂也雨覆雲翻天地否閉對此茫茫
無復生理雖有花晨月夕適足動我之感愴歎歎
及其治也上清下寧日月開朗耳目所遭無非佳
境雖當淒風苦雨皆足助我之酒腸吟思此二者
無他當由情以時證時從情得如知情之歡戚可
以卜時之治亂矣至正庚辛唱和詩為嘉禾同守
繆君廣文曹君偕諸名輩分韻之什也讀其庚子

兵後之作則知方岳匪人苗獠驕肆悲音於邑何其戚也比讀辛丑避暑之作則藩衛有人民庶樂業逸興超舉何其歡也蓋其為時不過一再踰年而二十八詩之歡戚頓異要亦一係乎人焉耳矣余奉使以來稽滯歲月每每以損辱使命為戚乃者太尉公順承皇命報使有日為歡可知適舟過檣李以方外故知新公請序此詩不覺因已之歡戚有觸於此詩且知詩可以觀時之治亂若著蔡

如此鄱陽周伯琦序

至正己亥兵後明年庚子八月之望同守繆公招
同諸彥小集南湖以杜甫不可久留豺虎地南方
猶有未招魂為韻人得一字即席而成亦足以紀
一時之變且幸此會為不易得云爾承事郎司農
右丞郁遵識

繆同知思恭

思恭字德謙吳陵人至正間為郡同知丁酉張士

信來攻檣蔽天排川而下思恭於杉青閘東西
岸積葦以待時南風大作岸上舉火敵舟焚燦至
四十里治郡三年民大悅服終淮安總管

得不字

我生胡弗辰守土愧簪黻亂離歎斯瘼兵氛駕飄拂貴
臣既防求苗獠薦驕怫比戶羅毒淫流殃痛未訖大軍
有凶年荆榛莽第鬱天地塞無歡三秋翳沈沕當國哀
黎氓方來濫朱紱所冀民社寧優詔非為屈頓覺元氣

清太空如蕩袂借問今夕娛還思去年不

高巽志已見

得可字

皇風邁中否微命亦遷播豈謂託喬林依然駭烽火前
年奔山壑去年匿檣旆妻兒怖欲死崩憂不知我賴此
干城將揮戈挽將墮趙佗既足王天子詔曰可人能閑
殺機三光自寧妥湖波瑩宵鑑芙蓉顫秋朶且共醉明
月狂吟莫還舸

徐一夔已見

得久字

青丘緩殪殪黑飈撼九有海立翻蛟宮山飄若螳走雖
愛赤城霞噴瀑當窗牖棄擲不敢顧欲卧豈能久孤翔
覽德輝于焉得林藪行原饒粳秫詩書足朋友何期復
中兵難作在丁酉東西競奔竄顧尾不救首幸云全此
軀常疑是夢否還見湖上月兼之對名酒狂奴有故態
噓然開笑口

姚教授桐壽

桐壽字樂年桐廬人博學多才識元末為餘干教
授與僚友鹽人沈穀善結姻盟穀死攜子就婚值
世亂遂寓居豐山之陽與雲間楊廉夫嘉禾貝廷
臣潘澤民張子晦本州楊友直遊時于春林夏澤
尋討舊蹟著有樂郊私語

得留字

驚波蕩四海桐江失安流
睠言秦溪側因依有舊遊
魚

鹽庶混迹暫忘兒女憂寧如王宣仲洵美不足留飛塵
俄歟舉吹動城南樓閉景層闌裏歸魂故山頭貼危幸
無死重見湖邊秋白月漫相笑誰無歡與愁

釋克新

另見
方外

得豺字

大千一塵劫刀兵動三災修羅搏日月兩間塞風霾舉
目何所見莫非狼與豺生民飽湯火像教淪灰埃世道
既交喪大塊何為哉非仗威德尊誰關乾坤開南天埽

金史卷六
一隅清光濯人懷雖見舊時月風波尚喧騰諸公賴經
世好為蒼黎哀我將從此去杖錫尋黃梅

江漢已見

得虎字

文淵客西河幼安寓遼滄中原雖板蕩兩鄉若安堵予
從稽山來寄家鴛鴦浦謂當侶魚蝦何知鬪虯虎操艇
匿菰蘆不敢歌萑楚須臾雷雨動羣妖碎天怒歸看窗
中月依然挂當戶遠人慙未賢良由得所主

陳世昌已見

得地字

寄家橋李城情為姻交繫時登城上樓吳山望天際去
年向西湖重尋烟水契幕聞兵變起謀問若天墜舉足
不敢前念之心欲碎兼旬難方解歸舟急偏滯半道聞
鄉信十言九不是踉蹌入郭門閭閻成赤地到家見妻
孥喜極翻涕淚具言鄰公衙吏兵救逾至男女十九人
幸免毒蜂刺琴書賴復完疎狂更容肆翹手見輝光恍

金人集卷六
惇疑夢寐

鮑恂已見

得南字

舊業帶郊牧受時勤耕蠶傾筐董機女負耒責諸男得
酒共慰勞中堂相與酣醉從草窗裏遠看函山嵐交遊
恨濶絕引領望東南瞥見穿雲燧惶駭憂何堪孤帆川
上來問之且再三為言脫巾呼大亂由凶貪燒城但餘
堞流血瀦為潭懷我同心彥驚淚不能含何圖共明魄

相對重高談

樂架閣善

善字為之岳忠武王之後當時有所避忌變聲為
樂元季寓嘉官江浙行中書省架閣庫管勾受知
於平章政事徹爾特穆爾因哭其父左司員外嘔
血而卒

得方字

伊余本奇薄受知徹平章親老繫微祿羈官在江鄉一

金史卷六
朝不得志投劾歸山莊豈謂逢亂略松菊萎兵荒平川
鬪波浪衍陸成太行故園官難覓蕪沒在潯陽中原漸
陸沈懦將空鷗張翻增紹興恨血戰念家王月色似為
苦淒淒滿中方今古成浩歎涕落沾衣裳

金太守綱

綱字子尚嘉興人元舉鄉試明洪武中歷蘇州守
百姓苦官民田則輕重不齊里胥為奸綱上疏請
減重額得罪賜死子頴伯克傳家學嘗從俞紫芝

遊以能書見稱于時

得猶字

妖狐叫夜澤欃槍照神州大地無完邪人血當川流四
塞失危阻況乃此平疇林垓盡野火園榭為荒丘奔竄
竟何所進退徒夷猶不有良守牧何以得依劉仰面見
明月清光似君侯既照我心曲還慰我離憂

潘府史澤民

澤民名著以字行其先大梁人扈宋南渡占籍我

郡中至元鄉試備榜補吳郡甫里書院直學已而
北走京師遊公卿間薦為行中書省從事黃晉卿
王思魯陳衆仲皆作詩送之至杭丞相府以常選
俾錄廣德儒學三年改諭銅陵辟吳興郡幕力辭
因留主郡學再辟浙東元帥府史病暑卒

得有字

少小客燕趙南北事奔走蓮花與叅從菁莪長生友風
塵撲人面荆榛掣人肘棄却頭上冠歸種門前柳門前

柳未綠慕訝驚風吼豫章隨飛蓬喬松若摧朽況此初
生稊吹落竟何有春陽賴萌動翠色仍如帚還將舊時
月夜夜當窗牖始信蔽芾陰可以覆衰叟

殷統軍從先

從先不知其世系官代但詩有猥屬勤王師之句
蓋亦當時與張平章士信處統軍撻伐者也又觀
其姪原善與雪廬和尚書云聞已泣軍武林與平
章公不甚相協想不日投劾作袖身計原善之兄

近仁明洪武間叅政

得未字

處治則憂賊當亂必避貴所憂自徇恥所逃實多畏昔
余在泥塗意欲干井胃帝閣乃齎怒摧排奪人氣氣奪
不可伸抑鬱更誰謂恨不如梅生早謝南昌尉歸來閑
門卧門外扶羅爵猥屬勤王師何以息鼎沸明月如向
人問我進耶退貴賤兩弗居癡人醒還未

朱處士德輝

德輝無考其詩有嬌女殉節語大抵女死苗軍耳
嘗築室讀書顏曰存道齋雪廬為之記

得招字

種梧在東園邀月庶逍遙月色如我心梧枝寫風標十
年坐此下攤書悟寂寥理復竟成剥晏極生塵勞兵凶
起衽席豺獍恣咆哮兄弟忽星散骨肉紛號咷還憐有
嬌女殉節不可招義命委善敗肝腸故摧燒自謂閒園
樹野火等蓬茅使君不陳力安得坐今宵

郁右丞遵

遵字子路郡之永樂鄉商陳邨人元末官承事郎
司農右丞

得魂字

曠仕愧無補甘讓桑孔尊歸卧青林下猶然蒙國恩有
田可種秫有室可避喧問余家何所家住商陳邨邨南
遶溪浦屋後榆柳蕃莫帆急歸鳥朝日滿平原鼓腹循
臯隴看雲池上軒人傳有兵燹焚劫痛煩冤門巷走狐

兔墟里多遊魂老人竟高卧何必尋桃源願乞甘棠枝
和月種田園

至正辛丑秋七月十有三日永嘉曹睿以休假出
西郭憩景德寺諸公攜酒相慰藉環坐以唐人因
過竹院逢僧話又得浮生半日間之句分韻賦詩
雲海師裒集成什以志一時之良會云

呂安坦

安坦未詳

得因字

人生苦易別良會悵無因
況復牽塵事悒悒不少伸
今日是何日涼飈度蒼旻
薄言攻我車縱步西城闥
行行抵龍淵蕭寺誰與隣
波光蕩秋色修篁淨無塵
覩茲風景殊不樂空逡巡
開尊有清醕列坐總佳賓
笑談雜諧謔酌酢見天真
聞士雅投分延款倍情親
醉來歡自劇詩懷浩無垠
賦此紀同遊重過卜佳辰

鮑恂已見

得過字

凌辰訪古剎幽氣集林阿雕甍旭日眩紺宇晴雲摩疎
松奏竽笙修竹鳴佩珂禪友素所識名流喜來過俯澗
漱寒溜陟磴捫翠蘿淪茗佐芳醪玄談間商歌遂令塵
土懷如濯清泠波斯景豈常過追遊亦無多流光逐奔
瀾飛翼援高柯賦詩留苔壁千載期不磨

牛諒已見

得竹字

靈湫閔馴龍古殿殿金粟僧歸林下定雲傍檐端宿伊
余陪雅集於此避炎酷息陰悟道性習靜外榮辱坐石
飛清觴每歎白日速別去將何如留詩滿青竹

釋智寬

另見
方外

得院字

涼飈動新秋遠寺集羣彦虛檐靈籟發列坐停揮扇情
愜引杯觴懽劇雜酌獻酡顏映落日林光散凌亂池深
魚自樂林密鳥相喚芳桂扳幽叢天香滿西院懷哉鄭

廣文樗散絕崖岸

常真已見

得逢字

避炎恨無地偶憶西南峯梵宮隱林麓散我塵外蹤人
生晤會難盍簪豈易逢于焉遂招搖唱咏偕從容冠帶
與遊盤不遺采菲葑苢席注華觴寧須侑丰茸有酒當
盡歡轉盼成飄蓬

丘民已見

得僧字

上方鬱嵯峨，遥睇青雲層。餘霏不成靄，朝陽射觚稜。雙
湖鏡光徹，涼飈滌煩蒸。輕裳欲飄颻，短髮仍翳鬢。縱觀
極夷曠，頗覺秋氣澄。載瞻雷音堂，招搖肅高僧。英英竹
塢雲，耿耿蘿龕燈。穠蓀天花滿，爐香夕烟凝。散坐百慮
息，幽懷詎能勝。澗泉煮芹葵，山盤羅芡菱。伊余風姿美，
歌遊廁賓朋。世事良可嘆，有酒當如澠。

張翼已見

得話字

郭遠樹稍陰野曠秋始屆舟迎浦上迅愠釋林間快紺
園幾世闢斷碣何年壞閣披龍象擁壁翳天人畫良朋
蔚胥集僧衲喜出話談幽貝葉翻襟散袈裟掛池深浮
菡萏露晞餘沆瀣石田際秔秣秋風偃蒲稗屢愜清賞
延迫此日西邁篇什志偕遊毋云棄菅蒯

王綸已見

得又字

驕陽秋逾炎。塵居苦囂陋。出郭謝塵鞅。浩氣溢宇宙。祇
園蔭長流。松篁倚天秀。簪履適相從。萍水欣邂逅。主人
延客坐。芳情重醇酎。道合猶通門。志洽儼交舊。緬懷風
塵際。東西因羈走。餘生獲良會。歲月不可又。願言慎所
止。同心契蘭臭。日薄嗟易昏。明當覩清晝。

來志道

志道無考

得得字

招提面晴湖出城路咫尺雲林盡蕭爽盤踞神龍宅僧
開草堂靜鶴避松烟碧延賞非俗流清言足佳客飛光
瞰澄波駐屐亂蒼石嘲咏圖罄歡留連竟忘夕吾徒洵
疎豪此會寧再得風塵莫回首回首增嘆息

聞人麟

麟字彥昭宋元時聞人為郡望族特麟無所考見
尚有輓楊鐵崖詩

得浮字

精藍煥金碧突兀城西陬盍簪適清暇觸熱偕來遊入
門松檜陰堂背篋簪稠盤礴衣未解已快風颭颭清談
揮玉麈白戰行詩籌吁嗟百年景汎若波中漚何如齊
物我翫去邊幅修妙理或未悟當以大白浮

曹廣文審

審字新民永嘉人占籍華亭元季為郡學訓導明
初遷松江教授有竹枝云昨夜西湖月色多照見
郎君金叵羅明朝江頭放船去江亭風雨奈君何

著有獨叟集

得生字

清晨出城郭悠然振塵纓仰見天宇淨俯矚川原平竹
樹自瀟灑禽鳥相和鳴龍淵古招提飛蓋集羣英唱酬
出金石提攜雜耕耒丈夫貴曠達細故奚足嬰道義山
嶽重軒冕鴻毛輕素心苟不渝亦足安吾生

徐一夔已見

得半字

野曠天愈豁川平路如斷不知何朝寺突兀古河岸潭
埋白氣沒林密翠霏亂勝地故瀟灑七月流將半合并
信難得通塞奚足算廣文厭官舍亦此事蕭散風樵爵
屢行蘿磴席頻換但覺清嘯發寧顧白日旰吾欲紀茲
遊掃壁勞弱翰

尤存

存無考

得日字

厭劇謝塵喧。酬心趨曠逸。芳辰霽景浮。疎林照旭日。靈
飈激虛籟。灝氣還盈溢。卉木雜敷榮。川流何蕩潏。清芬
吐芙蓉。蒼筠密於織。幽賞非人間。超忽詣堯叟。此丈
室中誰云但。容膝禪翁抱。冲安澹然忘得失。

周斐

已見

得間字

終歲逐城府。常有戚戚顏。晨登郭西寺。逍遙任疎頑。林
堂舍餘清。爽塏非人間。況茲羣彥集。秩秩文翰班。善詒

等高咏嘉言振幽孱豈無觴酌歡茗煎亦未慳喧卑受
物曠志適忘世艱耽留陽景馳飛羽當樹還賞心頗遂
巡紛慮仍粗關諧此塵外蹤再期永日閒

橋李詩繫卷六